

彊

邨

詞

賸

稿

彊邨詞牘稿卷二

歸安朱孝臧古微

寒灰集

三姝媚 瞻園約爲西山之游寒陰滯人

屢阻攜屐雪後引眺賦此代簡

晴絲橫苑路際林端微明禁煙猶互喚客山
禽盪倦情銷得探春詞句野水棱棱隔岸引
玉驄新步舊崦微茫祇有梅花撩人心緒
偏是芳游輕負牘小萼疏簪凍香誰護夢熟
西峰又溼雲和恨暗凝春素淡極愁蛾還惹

起啼妝人妒問訊香臺消息風鈴細語

婆羅門引

斜橋絮起亂紅牽恨點重茵慵鶯尙語殘春
聞說淩波新步遮斷繡漪塵恣蠟鐙羅帶鬪
取閒身長安麗人算醉醒總迷津狼藉東
風不管只避花暝波簾翠顰夢不散相思堤
上雲釵鈿約總是愁根

菩薩蠻

綠雲倭墮低鬟重無端青鏡相矜寵孔雀滿
東南水沈中夜添有人紅燭背妝淡眉成

字何事種春愁春休愁未休

宜暝宜喜紅雙臉新嬌一態無拘檢滿鏡淚
波酸妒春春向闌中塘雙燕子學語差池
起辛苦鬪腰肢累花扶著伊

亂鶯啼破紅雲熱誤他濃睡花時節不拆畫
鞦韆春人誰耐閒細桃攀未盡暗裏朱顏
損教合玉韡笙雙成聽不聽

鳳窠長晝蒙頭睡籌花鬪草原無意扶夢下
西樓芙蓉江上愁路長雙槳促隊隊紅衣
浴不合住橫塘秋潮日夜忙

纔調龍餅留人語旋捐寶玦催人去去住兩
朦朧靈犀無路通朝朝翻象局嬾劃瓊釵
卜不到落花時春愁君不知

還京樂夜坐和夢窗

塞鴻近著意偎沙度月成秋響傷黃昏愁重
旋攙鐵馬檐頭悲哽濺淚花孤坐屏山背燭
幢幢影倦睡減遙夜怨起羅衣新冷聽壺
蓮竟夢滄波殘畫風鴉陣黑如塵垂翅未整
江湖畫角聲聲暗驚回雨涼煙暝攪愁腸是
按笛人稀餐霞伴醒脈脈窺華髮清霜飛上

明鏡

綠蓋舞風輕
遙和鷺翁元武湖道暑之

作同弁陽老人韻

一闕定風波
倦眼登臨危闌對橫綺涼笛延
秋江湖歸未得淺醉慵倚劫後吟魂又輕被
鬢絲牽繫正紅衣掠岸西風催墮愁藥杯
底遣得孤懽照影弄清波短鬢塵洗酒入襟
痕好心期換與故年閒淚夢裏滄洲更不信
孤根無寄過江人銷盡看花英氣

角招寄懷半塘白下

送君後滄江晚望風幾度搔首鴈邊寒訊逗
破驛老楓游倦時候天涯未負怕負卻十圍
垂柳素石清泉儘有奈今夕玉關情被清愁
無酒知否亂塵漲裏夷歌野哭銷得殘陽
驟庾郎魂斷久迸入江南玉龍哀奏冰霜其
守臙一抹峰眉依舊夢咽西窗燭瘦待商略
白鷗心迴腸又

采綠吟湖跌漾爲吾鄉煙水勝處長超

棲賢吳羌道場諸山紛在掌矚
荷香柳影道夏尤宜自墮修門

行二十稔中間再返故山耳暇

當倩客作玉湖跌館圖率依贅

洲譜以當懷歸之章

輭玉吳波路畫手點筆分明贅風笛外柳煙
舳尾澄鏡無聲兩山青不斷斜陽晚數行鳥
度空屏卷迴谿蓮歌渺棱棱湖月又生拋
斷水精宮天涯夢菱絲撩亂千頃三十六陂
秋但淚接煙程甚時眞投老江湖忘機後商
略白鷗盟歸帆誤牢落鬢霜殘客茂陵

解蹀躞

鴈聲帶愁飛轉漸換秦絃柱似嫌搖落江離
舊游誤心事別久誰知錦牋重疊緘成夢雲
無據爲君訴依舊差池雙羽東風背簾覩
幾曾羞煞落花好眉嫵眼看殘畫滄波夜闌
擘破箜篌勸公無渡

點絳脣鴈來紅

擡舉西風醉扶一捻鵲魂小誤花疑草別樣
傷秋橐窺笑東鄰解妒宮妝好秋孃覺茜
裙顛倒收拾紅情早

前調鳳仙

丹穴春姿託根翻戀朱闌好抱香多少夢穩
秦樓曉 匳史新繙瘦損麻姑爪秋妝了守
宮紅小來伴花房擣

蘭陵王蘆花和麟媛

竟頭白明鏡秋霜其色荒裔外搖露盪煙零
亂春叢換淒碧江湖味慣識牢落低舷倦笛
黃昏後無處頓愁愁似潮來夜風急 伊人
舊游歷在買醉魚天分社鷗席涼花淺瀨秋
無極自溼漬衫絮怨沈笳管離披天水斷夢
失甚身世禁得 江國待將息怕如畫煙波

敝破鉛墨沈陰斷鴈聲中黑黯雪片千頃欲
銜無力菰蒲何處歲暮約但睡憶

楊柳枝

舊夢吹花著渭橋新愁封淚問湘皋永豐坊
畔風流極晚向人前鬪舞腰
無主樓臺半夕陽笛中人去更迴腸東風銷
盡宮黃點背定愁鸞理舊妝
似水鶻聲一夕催青絲騎馬斷章臺分明搖
落江潭路依舊嗟嗟輓舞來
通體當風弱不支年光銷盡斷腸絲不辭身

作桓宣武看到金城日墜時

花犯花朝後一日雪中晦鳴見過

礪城根淩波路輾瓊如下清曉凍禽啼覺驚
素影林亭芳意嬌小柳絲倦挽清明到和煙
冰斷沼望裏怯蹋青新步香塵輕換了拖
筇犯寒故人來梨雲影亂撲風前衰帽絲鬢
冷聊溫取凍花香飄傷春慣費人淚眼能幾
度歌前同醉倒問瘦倚荒闌誰煥無聊鶯燕
老

轉應曲

春雨春雨飄斷碧煙雙語雲屏一倍清寒獨
擁羅衣夜闌闌夜夢到寶釵樓下
春柳春柳昔日青青在否東風臨路千絲輕
薄看人別離離別離別鉛淚單衣時節
春水春水不寄盈盈閒淚年年流盡年光今
日聞歌斷腸腸斷腸斷道是病深愁慣

拋毬樂書胡仲異淨業湖僦舍

一架紅樓面堞斜凌波百隊氣如霞瀟紗風
擁妙香入上枕山當蘇幙遮解妒棲鴛夢網
取吳魂便作家

二郎神
偕乙盦
晦鳴悔生步淨業湖上
淚荷戰雨碎一鏡翠雲如瀉漸
冑蝶香乾籠鴛陰減裝就城灣
殘畫舊是瑤源凌波路洗恨入
鞦羅塵罽休更結冷禪一袈裟
地水風無價閒話滄桑事影玉
尊澆罷閒蠹粉詩痕龕荒落滿
經歲蠻薰尙惹夢老西涯冷鷗
三兩空怨月明遙夜聽梵外似
有簫聲斷續
汜人來下

阮郎歸

飛鷺闌裏舞經年銅花驕玉顏
秋裳多定昨

宵寒啼蛄金井闌
揮錦字擲金錢藥碓山
復山織成春恨儘無端
殘機催下難

南鄉子

初日上水西涯無人來
弔素馨斜花底教歌
江上住鴛鴦侶只向海雲紅處去
雲磴滑霧花晞西樵山上揀茶歸山下行人
偏借問朦朧應半晌臉潮紅不定
三水口合雙江畫輪蹋蹋碾輕航
舶趁小風來舵尾長年喜白日攤錢波浪裏
蘿幌合玉沙清一峰送過一峰迎
日夕沾裾

榕霧溼行不得越鳥聲聲如勸客

中宿峽夜鐘寒訶陵環子尙人閒過客摩挲

嵌壁記猿歸未霧鬢風鬢明月裏

飛鳥絕怒濤吞蹋天無路割蒼雲竹纏縈厓

橫板坐樵斤和時有飛霞身畔過

烏石渡數家橫今年雨少誤秋耕瘦日沈谿

饑犢臥無功課夜半燒畚巖際火

巖秀發勝江南一重鬟髻一重匳急槩衝波

催去箭升艫看詰屈湏流如大篆

支枕後落帆前客心孤迴滿江天手疊紅牋

誰與付曹郎句爲客正逢無鴈處

陌上花

題隋董美人墓誌美人蜀王楊

秀宮人以開皇十七年卒誌爲

秀自製道光初葉上海陸劔庵

官興平得此石旋歸徐氏燬於

兵張叔未謂才人美人十五員

煬帝時置開皇時未有此名董

是蜀宮人何以終於仁壽宮史

未之詳道生以拓本見諮率倚

此調

楊花落盡媚珉箔蝕粉塵凝處比翼魂歸冰
枕淚綃成縷落鬢故黛春何在十九華年空
度最無端萬里椒塗新踐竟沈仙馭瘞花
銘漫草涼天斷鴈只稱聽風聽雨倩影高唐
香燼返魂無據別鸞枉譜千琴曲夢冷一絃
一柱草離離付與揚州一樣玉鉤斜路

清平樂南雄試院晚桂深冬始花

蜂黃未斛香外梅塵撲碎糝辟寒金簌簌驚
起月中人獨年年夢冷仙梯淩寒露粟侵
肌銷得鈿筐淚點畫闌秋去多時

腹痛集

卷二

九

虞美人 西齋雨夜送客

晚鶯簾戶飛杯罷
檐語鳴風馬
天涯春盡雨
聲中一寸燭花猶戀綺筵紅
望京樓外浮雲滿
愁逆看花眼
名臺吹冷舊黃金
賺得五陵驕馬少年心

鷓鴣天 韓江小舟庫篷狹舫製如吾鄉

烏杉連朝春晴行潮嘉閒煙韶
月媚清遠山水恍貢眉睫悠然
空谷之見似人也

沙尾風痕約晚涼雨餘山語響匡牀羅文水
比空匳定品字帆如畫扇張塵世事水雲
鄉鴟夷好計苦參商夢回月到烏篷罅便認
雙谿夜渡航

前調威如屬和得遠樹二語爲足成之
句裏春姿發翠微拍天新漲麴痕肥亭亭遠
樹人離立拂拂輕帆鶯亂飛移晚棹占空
磯水窗飄笛細風迴眼中無限滄波意欲采
蘋花一笑非

高陽臺惠州西湖朝雲墓在其左側

連巘平煙清波小鏡妝成縮本西湖語變炎
禽年光細草催徂分明玉堦紅棉路笑暫來
客意疏蕪太怱怱拖策天涯疊鼓城隅一
杯銷與羅浮碧占清新風日天與髯蘇片霎
鵲聲朝霞飄墮珠丹成不共維摩去怕散
花人比山孤熨歸魂小碣蠻花留偈如如髮
蒼顏正是維摩境界空方丈
散花何礙東坡贈朝雲詞也

點絳脣舟行荷蕩側客有話故鄉花事
者

推枕逡巡打篷幾陣臨明雨雨絲纔住山響

殘鵲語 爲惜江湖催辦鵲夷去淩波妒坐
中無數心在青墩路

聲聲慢 西園追暑園在廣州提學廨余

襄公武谿集注所謂庭際羅立

九曜石者也

新花改岸頽柳通波舊家水石依然小被聞
根風泉響出琅玕虛堂嫩涼收雨引秋心催
占鷗邊供晝永有分茶火續選石詩鐫 晚
晚年芳空惜被綠陰狼藉催熟金丸幾日珍
叢南飛越鳥巢安滄洲夢痕何處枕屏拖一

析青山無路去，飭清陰敷簟露眠。

采桑子 洪心孺席上賦檀櫞湯

水精眠夢人消渴，不賜金莖，憑仗纖瓊旋起。
春雷出素餅，一匙還乞蠻薑點石乳花騰。
兩腋涼生風味清，於醒酒冰。

清商怨 夜泊歧槎

蠻江嗚咽向夕歛，又勁風吹灩，似有歸漁籠。
鐙重繫纜，孤邨餘更紉紉，夜漸深向誰肝。
膽沙月冥迷荒螢三四點。

拋毬樂 鹿步書所見

照水孤墟出瘴林人家三五荔支陰網師午
散市聲減樵侶夜談山理深一葉挈音過驚
起沙頭墨色禽

婆羅門引六月既望水西小榭納涼憶

己亥是夕龍樹寺舊游用夢

窗韻

紗巾倦整繞池風起疊匳冰冷泠泠雨度高城
簾卷天東娥鏡娟夕素妝成柰臨醒玉豔尙
妬閒情南樓翠層記被酒蹋莎行未了琴
尊短夢驚散笳聲鷗邊社涼又拖逗秋心生

半庭芳卷墨自展羅屏

洞仙歌爲張聖雌明經銘匏瓜硯時君

將北歸復賸一解

琳腴新摘賸溫巖雲片鉤帶雙文似牽蔓想
松煤銷夜研寫鞦韆愁摩挲處凝得玉鴿淚眼
呼童花外洗小葉幡幡涼翠漂香墨池滿
相伴壓歸裝象管鸞牋心心待秋波一顰便
料理疏狂炙紅絲定銷與天孫畫眉新怨
月華清中秋對月懷半塘揚州
夢冷瑤華花凝絳闕素娥秋思多少暮合纖

未了西龕香火南園觴詠蠻羽無聊斜陽不
管荒波變景漫商量後約秋心似葉墮虛簾
暝

前調七星巖

午禽啼斷蒼煙霽然墮地秋星碎天風四咽
泉飛轉側雲移向背上界齋鐘初寮佛火沈
沈石氣對諸峰離立蕭寥水檻渾未覺魚龍
戲一徑巖扃谿次洞雲深孤猿驚睡導人
雙炬砂牀繡發湫匳鏡委欲理元言鋤芝客
去安禪無地倩僧雛細撥馬蹄迴蘚辨開元

字

唐李邕端州石室記石刻
在巖下土人呼曰馬蹄碑

更漏子

玉釵風鸞扇月閒過穿鍼時節籠畫燭待牽
牛無人獨上樓樓前路孤帆暮又送去年
人去將錦字上金梭淺秋生曙河

哨徧

甲辰重九讀弁陽老人腸斷紫霞

之作感念半塘翁悲不自持時距

翁之沒三月矣翁嘗爲半塘僧驚

自序輒襲括其辭以當薤露

原序
曰半

塘僧驚者半塘老人也老人今老
矣其自稱老人時年實始壯或問

之老人泣然以泣作而曰禮不云
乎父母在恆言不稱老某不幸幼
而失怙今且失恃矣稱老所以志
吾痛也然則半塘者何曰是吾父
吾母體魄之所藏也吾縱不能依
以終老其敢一日忘之哉由是朋
輩無少長皆以老人呼之而不名
悲其志也老人仕於朝數十年所
如輒不合嘗娶矣壯而喪其偶生
子又不育嘗讀書應舉子試矣而
世所尊貴如進士者卒不可得家
人以老人之鬱鬱於前冀其或取
償於後也召瞽之工於術者以老
人生年干支使推之瞽猝然曰是
半僧人命也老人聞之則大慊乃
自號曰半僧老人之爲言官也嘗
妄有所論列其事爲人所不易言
老人之友有爲老人危者上疏之
前夕爲老人占之得刻鵠類鶩之
繇疏上幾得奇禍乃復自號鶩翁

日吾以傲夫卜而自匿其草者於
是三名者嘗隨所適以自名焉既
而其友以疑罪死於法老人傷之
日吾哀吾友吾忍忘吾鶩耶遂撮
三者自名爲半塘僧鶩云嗟乎半
塘者老人之墓田而舍也曩以仕
於朝不得歸今投劾去矣又貧不
能歸老人又以出世之志牽於身
世不得遂求得西方貝葉之書乃
哆口瞠目不能讀讀亦不能解性
所謂鶩者其鳴無聲其飛不能高
以遠日浮沈於鷗鶩之間而默以
自容或庶幾焉是老人之名副其
實者僅三之一耳然則老人之遇
亦可
知矣

家在半塘人是半僧疇識平生事僧曰嗟四
坐聽無譁老之稱實從壯始禮有之恆言未

容稱老吾今何怙而何恃空指點枯湖寒雲
丙舍皋魚清淚如泚縱不能誓墓永相依又
焉敢自尊老鬢髭朋輩哀焉呼而不名用從
吾志 嘻甚矣吾衰卅年昏宦誠何味吾友
疑罪死刻鵠之繇能記好一笑諮禪三生證
果天親無著爲兄弟甚囊粟機緘櫂椎事業
昨非今未必是賸百年老屋隔清灘便投劾
歸耕苦無期辦蒲團又牽身世喟然哆口瞠
目那辨如如偈但隨挈鷺提鷗伴侶默以自
容而已副其名者僅如斯老人之遇可知矣

浪淘沙 甲辰除夕和宋周晉仙明日新

年之作

何用買春錢擁褐閒眠勞生身世蛻中蟬一
枕雙谿明月路三版風船愁信到鷗邊雲
水沿緣東風有約且懽然孤竹亂山殘酒醒
明日新年

懷舟集

高陽臺 客有示本事詞者率同其韻

飄箔衰鐙歸樓細雨隔年人換閒愁紅藥辭
春東風蹀躞荒溝黃金鈿合同心結夢未闌

燕冷搔頭倚空簾明鏡徘徊鬢改花羞東
牆輕送斜陽老怕三年楚玉病不禁秋躑躅
吹湍白駒一逝難留障花亂笑飛春語負舊
情麗玉筌篴算泠泠幾折迴波曾節秦謳

琵琶仙送褚孝通移疾歸杭州孝通新

悼亡

歸到西湖未應誤豆莢櫻珠時節無那孤瑟
絃空春聲帶愁咽蘭棹惋殘鶻淚點怕啼溼
故裙塵篋中酒年光收帆興緒容易華髮
待催辦腰笛單衫趁茗水東邊舊時月相送

荷花一路把君恩重說春漸老幽單客枕拚
十年逝水銷別可奈江國漂花瘴天啼鵑

聲聲慢城北一廢園新營花樹激流植

援游事甚盛

城痕煙結鏡曲香銷巡闌遠避塵紅未近黃
昏無人冷翠濛濛西鄰舊家雙燕倚嬌瞋新
妒雕甍尋勝處是檐虛岫納屨響廊空誰
信傷春倦客費臨花驕馬愁對巫峰多冥心
情飄鐙闌夜偏濃尊前幾人閒淚背東風澆
與珍叢酒醒未墮嬌雲一片夢中

浣谿沙

已過荼蘼未藝蘭
蝶愁蜂笑兩無端
旁人剛道好闌干
排日清歌巾有淚
憑春短袂手驚寒
早知芳節挽回難

誰關球場試馬蹄
春垞小隊暫提攜
橫枝岡路野煙迷
西海有情添漏永
東風無力辦花齊
相逢且唱白銅鞮

日飲無何但舉杯
觀空一笑醒心飛
扇塵何事點輕衣
別樣雲山憎入畫
同行鳬鶩漸無機
御風趺步是真歸

暗香半農誦示蘇龕和石帚之作再踵
其韻

露蟾玉色凝酒邊淚點東風聞笛夢老石湖
出手高枝未忺摘臨鏡傷春幾許愁思託江
關閒筆喚睡覺一片仙雲幽語鶴爭席香
國舊約寂斷瘴海萬重半萼塵積鳳牋誤泣
不許相逢許相憶金屋商量未準移怨咽羅
亭荒碧待寄訊稀翠羽冷庵耐得

浣谿沙贈劉語石

著酒單衣帶眼磨十年流恨滿吳波秋來獨

客易悲歌 煙月懷人詞筆瘦江關費淚笛
聲多韓陵無語柰君何

聲聲慢題叔問戊戌沾上詞卷

傷高中酒去國行吟秋風倦旅天涯落日長
安浮雲西望能遮津樓臥驚涼雨燕辭巢客
未還家背燈起爲清愁斷水病眼看花醉
墨烏絲多感歎十年塵迹身世團沙人事音
書不堪重夢東華哀時庾郎蕭瑟仗江關詞
賦銷它歸計晚倚吳橈慵和浣沙

探芳信春城連雨游計因循叔問拈夢

窗雨聲樓閣寂寞收燈之句切

情依黯約次其韻

燭花瘦問夜吟詩肩清寒支否殢翦燈簾幙
澆愁但偎酒細禽啼溼西崦夢半落東風後
坐逡巡汎舸游情看花芳候巖徑蘚斑繡
正撩亂蒼鬟鈿塵迷晝未穩陰晴探匳卜欠
紅豆翠眉誰惜年芳去惟有纖纖柳黯江城
似墨吳雲滿岫

玲瓏四犯城西探梅笛聲起鄰舫中迴

棹譜之

壓水夢寒濛花霜淺空陂鷗近何許數峰青
弄影酒洗吳臺古何郎舊情未賦又東風畫
船煙浦淚粉春魂鞦塵游事吹老玉龍苦
行雲滿垂虹路憶疏香步綺低髻迎戶往來
羅裏盡早蝶衝寒去清歌自在人間世送閒
客幽單春旅愁寄語無人問題裙舊侶

楊柳枝

故苑腰肢掌上輕花街蹋馬舊知名啼鶯莫
訝成陰早栽近津橋眼便青

人道枯稊不作絲迷離煙雨又龍池東風吹

作流萍去勝結菖蒲解笑誰
橫笛吹花出汴州長條抵死鬪風柔錦帆自
解傷離別無復春波斷得愁
雪絮相和減卻春樓臺白日斷歌塵金鞭分
道長楸去莫笑章臺舊舞人

齊天樂

叔問新營樵風別墅將買春西

崦歸補梅竹籬落閒愁雨兼旬

戒寒不出見示新作依韻報之

釅寒城郭花如睡連宵但聞淒雨舊箔飄鐙
新泥帶屐縹緲空山春緒尋鷗路阻問荒雪

西灣斷盟誰主。認指霜絃。夜窗愁按。去年譜
垂虹斜畔。倦鶴繞枝千百。轉空怨。期誤蔽
竹書牖。交枝鏡幙。拋卻疏香一塢。吳波似語。
怕重蹋蒼巖。麝塵迷步。後約幽鄰。夢雲分水
墅。

木蘭花

華鐙添酒西樓別。酒醒天涯。聞語鴉曉。簾隔
淚數殘葩。夜鏡和愁遮滿月。相思畫字簪
塵滅。緘恨玉璫終不達。一春孤館。雨留人。憔悴
東風無處說。

三姝媚

江城寒食後倚深尊難澆醲愁如酒夢迹樓
臺半柳憔悴暗塵春繡坐暝層簾重步影
紅香三嗅金縷休催摘索空枝玉纖冰透
天上瑤華別久料抱得秦箏豔陽彈瘦淚雨
羅窗有鏡鸞親見病雲眉岫諱說春寒斟酌
到憑高雙衷斷送梨花空苑東風認否

慶春宮

鳬玉封煙蟬梳拋黛鳳窠旋旋黃昏流管梅
芳緣屏蘭舊怨蟾不照孤顰絮絲亂又重

疊清寒著人宮衣添未催罷鸞牋銷瘦眞眞
相思化作仙雲捐玦中洲心事虛陳傷別
帝妝端憂靈體蘅皋重夢無因墜懽尋去鎮
呵淚紅絛鏡塵迴衾鐙暗還數中宵鵲語殘
春

鷓鴣天

作惡東風十日陰春愁吹雪上疏簪荒荒白
日人閒世醞醞蒼波逝者心書易倦酒慵
斟孤懷無地與登臨江城一夜黃梅雨不抵
虛舟淚點深

阮郎歸 塋西山行偶書

水墟花瀨上，彊邨雙谿溜。竹分鬢絲，供得十年塵飛，泉清角巾。挖瘦策理空綸，重尋釣石，溫年年含笑待歸人。春山清淨身。
松風夾徑響，鳴篴谿雲相後先。丁丁啄木似哀絃，居人方掩關。羅帶水，玉屏山，誰家好墓田。野花香繡翠，微邊春樵紅一肩。

木蘭花慢 重宿西湖退省庵時湖上人

家雜居樓閣突起與十年前風物又異矣

賜明湖一曲認喬木中興年算小隊郊垌中
原壁壘天放身閒頽闌舊吟拍處問月明元
鶴幾時還戰艦東風夢斷畫匳西子妝寒
無端金碧擁檀欒唐突此湖山念吳峰立馬
荷花桂子休唱屯田延緣釣竿未買怕魚龍
風惡攪鷗眠醉拭西城殘淚衰楊鬢影蓼然

二郎神

西谿交蘆庵爲樊榭老人及其

姪人月上祠栗主處

鏡流換眼避舊約弗泐疊舸聽水樂空巖煙
禽深竹如喚緣流客坐往日詞仙尋秋地有

顧影驚鴻來墮曾梵夾寫名唐詩摘句等閒
功課無那維摩病侶松根長臥問丈室飛
花怱怱何事收拾人天淨果擁髻因依倚聲
幽款贏得定中香火殘鴈外瑟瑟蘆風漸起
送神絃和

采桑子湖上追暑日課小詞仿六一

人言汎月西湖好連夕雲陰蕉櫺蕭森辨得
閒房聽雨心素娥似惜人寥寂低挂平林
催轡西沈出意來宵款款臨
三潭月上西湖好載酒來過髡柳無多柰此

彭郎白髮何憑闌纔覺秋香重萬笠風荷
萬點秋螺浩翠如潮赴鏡窠

看山覓句西湖好小牒中流水枕花幃無數
風光點筆收暝搖一葉蒼茫去浴鵲灣頭
蟬語絃秋何處詩人黃篋樓

佛香仙唄西湖好住近南屏病耳冥冥慣數
清鐘向晚聲夕陽黃到黃妃塢草樹鬚髯

照影分明巾拂頽然一老僧

雷峰如老衲朱
吾子將語也

閒鷗最識西湖好肯別青墩來話君恩一葉
扁舟著岸人三旬且住軒中住潭舫開尊

鬪取閒身明歲花時準到門

訴衷情 旧田榭夜坐

並湖亭館鬢波平屏綺淺藏鐙屋山倚扇孤
坐竹尾看移星 歧路事倦游情夢難成露
姿銷盡玉簫端然一夜秋生

唐多令 雙清館賦菊呈蘇龕

鈿閣月初斜霓裳閒舊家病西風還護屏紗
消受伶俚寒蝶意香不到鬢邊鴉 衰帽側
霜華尊前百感加卷簾人同是天涯教理秋
妝臨鏡看人畢竟淡於花

清商怨

琤琤涼葉下似雨颭岸鐙三五怨動西風昏
鴉相爾汝輕撓芙蓉別浦阿那邊畫橋朱
戶禁斷情塵撻蓬中夜語

應天長陳鶴柴席上送劔丞

旋鴉亂葉驅鴈斷雲涼秋半翦樓幙斂避酒
場閒局風牀病槃礴黃花社催素約認舊隱
闌風狂鶴亂襟衷一嗅寒香嬾問哀樂無
益是悲歌嚮老文園同調漸寥邈去去渡江
詞客孤吟當狂藥朝衣重知強著戀夢裏探

春雙屨賦歸晚驛路蒼煙須寄梅萼

鷓鴣天丙午滬濱除夜

莫厭屠蘇酒入脣雪餘簾戶轉奇溫接天鐙
色流連夜照海花光著莫春吟鬢短彩符
新五湖猶是未歸人明年好辦扶犁去爲報
茗山一幘雲

被花惱此紫霞翁自度腔也止萼叔問

一再和之余效之

梅風薄扇黯吳天如墨坐迷窗曉亂鳩催春
去多少青門白社銷年夢影鏡裏逡巡覺彈

劍嬾著書遲酒杯祇稱花枝照
依舊去年人閒恨萋萋似芳草
煙蘿路背畫幃苔山倦枕還尋
到是寬鞵瘦策舊經行又飛絮
飛花故相惱一葉去省識臨盟
鷗漸老

菩薩蠻

龍鍾雙裏花前淚白頭驟領殘春味
狂走信孤篷東西南北風
膏騰經歲瞥不見蘭芽
茁澆酒背簾陰梨花寒食心

惜紅衣中秋闕月過叔問夜話兼憶伯

宛海濱索居情況用夢窗韻

度暝隨螢推簾動竹露庭一白載酒人來園
落破荒碧吳叢桂老看小葉娥妝慵約香陌
皴破長牋著霜花陳迹時倩叔問爲繪校夢龕圖冥鴻
海側獨臥飄鐙流波宛離色相思未寄瘦客
耐秋寂銷得石湖鷗伴閒話水西雲北繫故
園心事惟有蒼蟾能識

前調叔問既示新詞又疏論白石旁譜

稽謨同異謂次句日字爲韻證以
夢窗萊老一二闋足破紅友疑塵爰
用其說和白石是解

倦舸隨潮迴筒限日病銷吟力抱魄江蟾吹
鐙半規碧清絃誤轉誰解顧當筵琴客春寂
香暗影疏說梅邊聲息西風滿陌來去吳
塵閒愁亂雲藉滄洲夢在舊國鴈行北解惜
暮年詞賦都是庾郎經歷要舊狂同理題醉
一園楓色

前調年時與叔問有買鄰之約逡巡未

就今將卜居吳氏聽楓園書報叔
問申以是詞再用姜韻

鴈老長雲鴉翻去日斷愁無力未了菀裘茗

山怨凝碧寒花露點還解笑龐眉書客湛寂
西崦老仙約鷗邊將息紅香舊陌撩夢銅
駝巢痕半塵藉三年一覺瘴國渺南北好約
歲寒胥宇雪棹五湖吟歷只過牆清飲輕負
落杯山色

前調 伯宛歲晚北游執別依黯三疊姜

韻送之

餞夢清杯催裝短日殢人筋力轉海西風衝
帆破淞碧高鴻去遠窮望眼江樓羈客疏寂
歧路柳條疊離歌無息車塵九陌人海花

場文梁燕泥藉平居俊賞故國五雲北落日
古臺金冷吟望白頭重歷對五陵年少愁
單衣緇色

解蹀躞富叔問

鴈繩乍低江館晚背垂虹路素情題葉吳波
斷雲聚依舊一度迴腸引杯笛起西風送秋
何處 鎮吟竚期共青芝呼棹仙禽導幽步
夢迴蘿薜閒心去來阻君聽空外聲聲和人
今夜商歌病蠶愁雨

好事近彭媽詞爲北山樓主人作

眠雨茂陵秋曾賦上林游獵誰乞金莖澄露
療琴心消渴相哀幾輩賴雲鬢高樓句愁
絕肯伴鴟夷一舸勝雙清瑤札事見海藏樓詩

篁處集

小重山畬叔問

梅潤經熏不下衣閉門三日雨晚鶯稀東風
和絮轉晴絲紅芳盡慵和餞春詞懽事隔
年非櫻桃三見後賸斜暉閒愁取次報君知
漂花水流恨上朱扉

紅林擒近枇杷

分籠櫻初罷繫枝鈴仨圓素手薦新雨霏香
亂瑛槃東園西園載酒坐想露嶠風餐舊約
曾驟雕鞍花裏閉門看綴蠟書未達緘別
味餘酸相如賦嬾渴懷愁絕眉山賸天涯春
老堂陰翠晚夢魂還泊湖上船

念奴嬌竹垞圖有藍謝青曹秋厓二本

皆作於康熙甲寅錫鬯客通潞
時也王息存先後得之索爲小
詞志合并之雅用錫鬯原韻

曝書人老好池臺都共畫
義飄泊碧玉通津

流客夢分付雨烘煙托千首填詞十年磨劍
心決歸耕樂小樓添否白頭依舊牢落難
得兩幅鵝谿一船虹月來侑郛筒酌坐憶承
平觴詠事展對涼堂清幕靈寶廚空豐城劍
合此事關邱壑錢郎句好須君補上牋角錢裴

山以圖示阮雲臺有詞
和錫鬯韻卷中未之見

右題秋厓卷子謝青畫作直幅別爲四絕
句書之南垞修竹北垞蓮發興情泓似輞
川輸與丹青霸手新詞百字照琅玕錫鬯
詞乃索秋並時曹李稀兼墨秋鬯倦園圖
厓畫而作武曾灌園圖

並不知流落何許此是鴛湖掌故圖爲問歸耕煙

雨裏幾人親釣小長蘆聯娟雙壁照書奩

持似南豐更不廉以卷中題記求之得並見二圖者惟曾賓谷一

耳副墨倘從君乞與雙垞公案一重添存

先得是圖於武昌曾倩錢塘汪洛年摹副史局金門絆幾春翩

然鷗性故難馴明朝載酒挈音去我亦江

湖汗漫人戊申歲五月補錄舊橐並記

新鴈過妝樓張山荷嘗得薛鏡於吳市

背鑿思娟小印索書娟鏡

樓榜媵之以詞

粉蠹金匳閒情事綠窗影出娟娟舞鸞斜倚
親見小字連環越縷披香籠裏角弁峰添黛
暈眉彎慣溫存夜來舊色銷與華年春風
盈盈滿篋伴上簾紺玉淺照低鬟賦情多麗
空悵翠竹寒天熏鑪半溫繡戶問妝靨何時
相向圓尋芳約料小菱春影不隔蓬山

念奴嬌月下過叔問吳小城東墅乃七

夕也歸來始覽之

樵風谿館有吳鷗分席閒緣瀟灑滅燭自攜
涼月色來理茶瓜情話罷笛鴻歸開簾螢入

一扇風無價，稀星出沒薄羅雲。意如畫，忘卻天上秋期。紅牆碧漢，隱隱颿輪，鵲功拙未關。吾輩事，贏得清涼。今夜鍼縷閒，情繫花綺夢。老去慵描寫，高梧搖露，遠空仙羽來下。

聲聲慢 酬叔問

寒花棲益，連雨春池，孤吟慵和。殘蛩經酒，林亭秋心著處，迎逢江山感時。搖落閉閒門，還對青松綴新眺。傍清絃靜送天際，冥鴻夢斷芳華，驕眼有西崦老鶴爲導。仙蹤素約，鴟夷年年負了。吟篷天涯，借人叢桂，漫逡巡招

隱西風倚闌處看歸雲猶戀舊峰

高陽臺再和叔問待月谿堂之作

寒玉秋筠衰絲暝柳簪頭淺畫林巒谿月生
遲低窺不照愁顏尊空尙戀迴腸地伴怨蟲
微語荒闌最銷凝獨夢飄鐙連唱投竿鷓鴣
啼老江南事算樵風家世人外閑閑廿載
吳棲鶴天長占高寒鄉心歷亂趨殘夜有鴈
行飛度關山傍西風一倍哀時詞客休還

鷓鴣天高嘯桐病中索賦

眼底罡風事事新太虛何用競浮雲偶然出

手從盧雉未肯低頭拾惠文
憂國病苦吟
身全家擣藥起秋塵
酒船茶具江天好
乞取鷓鴣自在春

琵琶仙
張白琴有還湘之賦索詞爲別
歸種桃花楚雲滿故國仙林如纈
林外橫笛呼犍春泥漸啼滑鄉緒引江關
倦客柰歧路短絲難折落手滄洲當歌
白日珍重華髮舊題句銀燭西樓夢
塵翦東風黯銷歇誰遣一艍新水送飛花
如雪中夜起吳鴻試數對月明酒醒傷別底事拋得鷗夷五湖空說

蝶戀花

卷二

一院東風鶯對語中酒年光不定陰晴雨紅
萼盈盈誰是主珠簾錦帳新歌舞人事音
塵關百慮墜絮飛絲都是愁來路淚眼留春
春似許江湖滿地漂花去

大酺同江韻秋過顧氏園看牡丹

背石闌低花旛定深鎖仙雲成簇凌晨雕玉
帔竚靚紅妝面弄姿金屋醉纈吹煙清陰漲
午擡舉東風嬌足玉環三生夢傍吳娃閨館
伴春幽獨柰書葉無題覆杯多恨鬢絲驚觸

懽游須秉燭酒邊事光景奔輪速惱亂是
登樓病眼斷水愁心卷紅芳淚波盈掬未信
青春擲憑故國鶻聲催促況零落清平曲栽
買無地歸對庭莎閒綠怨吟爲誰更續

一萼紅花步里回棹示白琴

水西潯冒蘋波小艣鴉軋和春禽江雨黃梅
吳吭白紵輕送閒醉閒吟舊游換平煙廢綠
賸燕語偎定謝堂深打馬情懷焙蠶天氣經
慣銷沈歧路不禁游冶甚扁舟俊約寂寞
而今芳影簾衣華年瑟柱愁緒雙繫疏襟未

須訝狂醒楚客對花發歌底少年心待說相思又休月澹樓陰

蕙蘭芳引

吹露晚芳點妝鏡半鬟雲綠詎接坐知香鐙底最嫌曙促畫裯步起鎮對惱歌梁塵簌甚淚彈不盡誤落石榴裙幅俊約微波離觴歧路此恨盈目怕歸馬心情銷與素娥夜獨開屏山翠夢沈小玉相見難南鴈短封慵屬竹馬子送白琴

嗟寒雨飄煙衰蘭泣露故山年晚向虛樓倦

對城譙角起霜林屏展坐惜獨客悲歌繇絃
倦軫漸催離宴眼底酒須醒要看人一舸秋
潮如箭爲想經行地帆隨鴈落夢先湘轉
靈均舊日沈怨漠漠波塵吹換定憶聽雨風
情翦鐙吟事人隔吳楓遠驚颿萬葉黯淡斜
陽滿

卜算子慢

鑪煙候煥簾雨戒寒倦極擁衾無寐酒力初
銷更聽撼林驚吹引霜天斷角催人起換向
曉娟娟素景蟾華潋灩無際寂寞憑闌地

漸眼斷京塵夢迷湘水後約丁甯坐費翠封
傳淚好年光虛度衰鐙底待與約江湖送老
怕歸鴻憔悴

江南春中江李使君蘇東鄰小築故瞿

氏網師園址也以近子美滄浪
亭故名叔問舍人爲道昔年文
酒之盛用夢窗韻賦之

頽柳敲臺明漪淺蜚青瑤相拱如笏籠詩壁
壞冷舊家垂露秋筆門外稀來轍滄浪近步
塵更潔幾料理篠南蒔藥池北橫書吳皋占

斷煙月 飛仙去飄絳節想汗漫青城夢攀
蘿葛山陽賸侶尙解說胭脂晴雪鄰笛驚風
歇斜陽外畫闌凭熱歸隱幾人秋語泠泠楓
根暗泉鳴玦

望海潮 太夷秋晚度遼舟中賦小海唱

三篇見寄有云用遼猶足支天
下北睇雲山萬疊青又云待我
橫流聊濯足賭將黃海與君看
度非虛作壯語也爲演繹其意
以酬之

長風吹鴈飛雲橫鷁浮天萬里無休獨夜夢
魂千山鱗甲絛笳暗入邊愁來作步虛游正
月明湘佩霜拭吳鉤元鶴聲聲十三屏外唳
清秋 狂吟擊楫中流問蓬萊左股殘畫誰
收揮扇顧榮登樓王粲茲行不爲封侯吹笛
喚潛虬要賭將黃海還與滄洲甚日鷗夷共
君晞髮五湖舟

浣溪沙 曩閱都肆叢冊中見桂未谷寄

內詩牋有帷月鎧花二語吟諷
輒上口或謂未谷集中無此詩

也詞以紀之

筆訣依微蠹粉流江湖書客苦吟秋小牋傳
恨與妝樓 帷月皎於新鏡面鐙花歧似古
釵頭復丁老去轉工愁

木蘭花慢庚戌歲除

閉門春未覺又鶯語報芳期恁寂寞心情酥
花舊影蜜苣新啼驚窺鏡霜鬢縷負鄰家折
贈古梅枝老鶴楓窗去久等閒落竹淒迷
天涯病枕未成歸醒到曉鐘時笑東風故國
紅情綠意都被愁欺支離歲朝倦筆算一年

芳物不堪題待理中園步履廉纖小溼春姿

鷓鴣天 人日汎舟花步里

市盡官河得雪清孤游移舸避妍晴春愁似
水連鷗起山色通橋與鴈平年事換雨香
零題詩誰寄草堂靈酒醒寺寺鐘聲發彷彿
江船夜半聽

石州慢 聽成竹山談香雪海之游

客裏光陰啼過翠禽春到南國雲凹小萼緘
紅礪曲玉姿凝白尋香一舸際晚棹入空冥
湖煙銷盡雙崦碧斜月獨逡巡料芳心難覓

休憶兩京梅訊。羌管驚塵未堪棲息。慣住
天涯。換夢東風能識。傷春淚盡可奈歲晚何
郎。江城還聽黃昏笛。喚起五湖心。仗尊前吟
力。

燭影搖紅

寓園海棠一株亭亭獨上出

樓薨丈許。今年作花最繇一
夕。爲風雨所損。詞以惜之。

傾坐東風。畫樓天半。仙雲起。照妝微。暈淚腮
脂。明鏡交枝。倚繡屋。秦箏夢底。按梁州。催吟
帶醉。亂鶯啼罷。換盡斜陽香紅塵世。無定

陰晴蒼茫不解東君意眼前何地著春光顛
倒閒桃李欲賦華清舊事衍波塵寒淒蠹紙
睡魂不返燭爛屏山相思獨自

八聲甘州五日飲花步市樓買棹而返
算年年五日太淒涼今年且爲懽正梅風薄
扇蕢煙卷幕水閣虛寒勝翦塘蒲漸老香隤
酒杯寬未曾行吟意醒醉都難多事荒唐
呵壁把蘭荃章句拋恨湘沅笑江南倦客閒
戀櫂頭船待流連釵符節物又河橋飛雨暮
催還垂楊外散迎神鼓疊棹輕瀾

臨江仙 沈子封將之官滇中與兄乙盦

暫客滬上偶有感於東坡謂子
由宦游相別之日淺退休相從
之日長二語以日長榜其寓樓
乙盦有詞依調和之

風雨十年孤舊約高樓一夕秋清碧天如水
鴈行成飄蕭梧竹底便有對牀聲可惜荒
雞撩夢起簡書猿鳥猶驚急呼明月送杯行
掃除心眼事雙笑送平生

漁家傲 送趙堯生

幾日尋秋雙畫鴈鬧紅閒了橫塘路夢落西
灣香屨步呼酒處荒波怪石猶堪語容易
新涼生碧樹離心卻趁高鴻去一葉并梧飄
蠟苒須念取江南今夜瀟瀟雨

暗香疏影秋晚過樵風別墅分殘菊一

叢歸以夢窗譜寫之

露黃一顧向故人帽底翻窺飛雪病起重陽
簾卷西風晚寒結愁味傷秋更苦惜縹壺家
泉冰潔記冷香呼取餘杯清事隔籬說休
道柴桑路遠小城正歲晚人事淒絕獨坐遺

芳便有東風不改漂搖柯葉枝頭甘抱枯香
死有霜後伶俜孤蝶願此花從此休開占斷
義熙煙月

倒犯 辛亥歲除

淚眼看新桃舊符歲華如掃閒門閉早黏雞
畫燕都刪了誰家競弄簫鼓新聲林鴉鬧臘
炷火星寒不放東風覺漏壺乾未霜曉呵
手梅窗翠管銀罌前塵如過鳥夢起睇故國
又春綠將年到怕祇益花枝惱苦低垂白頭
吟望杳算百計誰如日飲無何好獨醒人已

老

卷二

四

疆邨詞賸稿卷二

彊邨詞賸二卷歸安朱先生語業刪餘稿也
先生旣於光緒乙巳薙存丁酉以來所爲詞
刻彊邨詞三卷前集別集各一卷而三卷末
有丁未歲作是此集雖開雕於乙巳亦續有
增益以迄於宣統辛亥足成四卷而汰其前
集別集不復附印世幾不獲見先生詞集之
全矣戊午歲先生復取舊刊各集益以辛亥
後作刪存一百一闕爲彊邨樂府與臨桂況
氏蕙風琴趣以活字版合印爲鶩音集後五
年癸亥續加訂補刻語業二卷先生詞蓋以

是爲定本焉其癸亥以後有手稿題語業卷
三者已爲寫定續刊矣先生臨卒之前數月
曾舉手圈彊邨詞四卷本及前集別集見付
其詞爲定本所刪者過半在先生固不欲其
流傳然先生所不自喜者往往爲世人所樂
道且於當時朝政以及變亂衰亡之由可資
考鏡者甚多烏可任其散佚爰商之夏閩枝
張孟劬兩丈仿先生刻半塘翁詞例取諸集
中詞爲語業所未收者次爲賸稿二卷而以
辛亥後存有手稿不入語業卷三者別爲集

外詞以附遺書之末俾世之愛誦先生詞者
不復以缺失爲憾云壬申冬十二月龍沐勛
謹跋於眞如寓居